

Месяца Июня в 8-й день

Празднование Пресвятѣй Владычице нашей Богородице
и Приснодѣве Марии, в честь иконы Ея, именуемая
«Ярославская»

НА ВЕЛИЦЕЙ ВЕЧЕРНИ

Блажен муж: 1-й антифон

На Господи, возвах: стихирь, глас 6.

Подобен: Все отложше:

Веселися и ликовствуй, / славный граде Ярославле, / обретая
светносную Ярославскую икону Богородицы, / Еяже благословение
даровася людям твоим // и покров и всемилостивное заступление.

Яко заря пресветлая / возсия нам образ Твой, Пречистая Владычице, /
благословением благоверных князей Василия и Константина
преславных, / тии же в Небесных селених молят Тя // даровати нам мир и
велию милость.

Днесь вернии восхвалим Пресвятую Деву, / и к Ярославстей иконе Ея
притецем, вопиюще: / слава Тебе, Благословенная Богородице, /
Солнце Правды Христа миру возсиявшая // и род человеческий от клятвы
свободившая.

Приидите, празднлюбцы достоблаженнии, / восхвалим днесь
Пречистую Владычицу, / яко Купиною Несгараемою миру явилася еси, / во
чреве бо неопально заченшая Бога, / ныне бо граду Ярославлю икону Свою
являет, / землю сию Небесным светом озаряет // и подаёт нам велию
милость.

Слава, и ныне, глас 6

Приидите, празднлюбцев сословия, / днесь торжествуем
Ярославския иконы миру явление, / паче солнца славою Небесною
просиявшыя, / к ней бо вернии в молитве припадающе, / помощь скорую во
всяцех нуждах обретают, // Та бо есть наша всемогущая заступница.



Вход. Прокімен дне. Чтёния три Богородицы:

Бытія чтёние.

Изыде Иаков от студенца клятвеннаго и иде в Харрань. И обрете место, и спа тамо: зайде бо солнце, и взят от камня места того, и положи возглавие себе, и спа на месте оном. И сон виде. И се лествица, утверждена на земли, еяже глава досязаше до небес, и Ангели Божии восходяху и низходяху по ней. Господь же утверждашеся на ней и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семя твоё, яко песок земный, и распространится на море, и ливу, и север, и на восток; и возблагодарят о тебе вся колена земная и о семени твоём. И се Аз с тобою, сохраняяй ты на всяком пути, а може аще пойдёши. И возвращу ты в землю сию, яко не имам тебе оставить, дондеже сотворити Ми вся, елика глаголах тебе. И востав Иаков от сна своего, и рече: яко есть Господь на месте сем, аз же не ведех. И убояся, и рече: яко страшно место сие; несть сие, но дом Божий и сия врата Небесная.

Пророчества Иезекиилева чтёние.

Тако глаголет Господь: будет от дне осмого и прочее, сотворят иереи на олтари всеожжения вашего и яже спасения вашего, и приму вы, глаголет Адонай Господь. И обрати мя на путь врат святых внешних, зрящих на восток, и сия бяху затворена. И рече Господь ко мне: врата сия затворена будут и не отверзутся, и никтоже пройдёт сквозе их; яко Господь Бог Израилев пройдёт ими, и будут затворена. Яко игумен сядет в них снести хлеб, по пути Еламских врат внидет и по пути его изыдет. И введу мя по пути врат святых, сущих к северу, прямо храму, и видех, и се исполнь славы храм Господень.

Притчей чтёние.

Премудрость созда Себе дом и утверди столпов седьмь. Закла Своя жертвенная, и растворил в чаши Своей вино, и уготова Свою трапезу. Посла Своя рабы, созываючи с высоким проповеданием на чашу, глаголющи: иже есть безумен, да уклонится ко Мне. И требующим ума рече: приидите,

ядіте Мой хлеб, и пійте вино, еже растворих вам. Остáвите безúмие, и живи бúдете, и взыщіте рáзума, да поживетé и испрáвите рáзум в вéдении. Наказúяй злыя, приімет себе́ безчéстие; обличáяй же нечестіваго, опорóчит себе́, обличéние бо нечестівому рáны емú. Не обличáй злых, да не возненавídят тебе́. Обличáй премúдра, и возлю́бит тя. Дажь премúдрому винú, и премúдрший бúдет. Сказúй прáведному, и приложіт приимáти. Начáло премúдрости страх Госпóдень и советъ святých рáзум. Разумéти бо закóн пóмысла есть блáгаго. Сим бо óбразом мнóгое поживéши врéмя, и приложáтся тебе́ лéта животá.

На литіи стихіры, глас 8.

Подóбен: О преслáвнаго чудесé:

Весели́ся, Цéрковь Правослáвная,/ и духóвно торжествúй,/ нýне бо ликúют áнгели,/ и рáдуются челóвеков собóри,/ слáвяще превы́сшую всякія слáвы Пресвятúю Дéву Богорóдицу,/ зéмлю нáшу возлю́бившую// и икóною Ярослáвскою нас благословívшую.

Воспойм вси земнорóднии/ и восхвáлим Пречістую Дéву,/ Та покрóв Свой над грáдом нáшим простира́ет/ и всю зéмлю Рýсскую,/ я́ко благословéнная Мáтерь нáша, с любовію назирáет// и Сýна Своего́ Христá Бóга за нас ежечáсно умоля́ет.

Днесь священницы и вси лю́дие/ похва́лим Пресвятúю Богорóдицу,/ Та бо есть пучіна чудес и исцелéний,/ Застúпница усéрдная рóда христиáнскаго,/ нечáянная Рáдость, грéшным заступлéние// и главізна нáшего спасéния.

Слáва, и нýне, глас 6:

Днесь с véрою взыва́ем к Тебе́,/ Пречістая Дево,/ град наш Ярослáвскою икóною сохрани́,/ от лю́тых бед и вражиих обстоя́ний избави,/ лю́дем Твоім благодарéние дарúй,/ благодáтию Дúха Свята́го сердца́ вёрных напитáй // и спаси́ дúши нáша, я́ко милосéрда.



На стихóвне стихи́ры, глас 5.

Подóбен: Ра́дуйся:

Ра́дуйся, Всеблагáя нáша Засту́пнице,/ с высоты́ Небéсных на род христиáнский милостиво́ взира́ющая,/ гра́ды и ве́си страны́ нáшея моли́твенным предстáтельством Свои́м покрывáющая// и от бед много́различных ве́рных спаса́ющая.

Стих: Приве́дутся Царю́ де́вы вслед Ея́, // и искренния Ея́ приве́дутся Тебе́.

Ра́дуйся, Всеми́лостивая Госпоже́ и Пресла́вная Де́во,/ Ты бо род челове́ческий спасла́ еси́ от поги́бели ве́чных,/ ро́ждши еди́наго от Трои́цы Христá Бо́га нáшего, // И́мже дарова́ся нам Воскресе́ние и Жизнь ве́чная.

Стих: Слы́ши, Дщи, и виждь // и приклони́ у́хо Твое́.

Ра́дуйся, Благослове́нная Богоро́дице,/ я́ко всечестно́е и́мя Твое́ ангели́ ликовству́юще воспева́ют/ и челове́цы в пе́снях духо́вных прославля́ют./ Ты бо еси́ Ма́ти Творца́ всех Христá Бо́га, // Того́ моли́ непрестава́ющи о спасе́нии душ нáших.

Сла́ва, и ны́не, глас и подо́бен то́йже:

Ра́дуйся, гра́де Яросла́вле благослове́нный,/ в тебе́ бо ве́лие сокрови́ще духо́вное обрета́ется,/ светоно́сная ико́на Богоро́дицы,/ Яросла́вская имену́емая/ и, я́ко луна́ по́лная,/ среди́ со́нма чудотво́рных ико́н благоле́пно красу́ется, // в нейже есть тебе́ покрóв и утвержде́ние.

На благослове́нии хлебо́в тропáрь, глас 4:

Дне́сь торжеству́ет град Яросла́вль,/ я́ко зарю́ со́лнечную обрета́я/ цельбоно́сную ико́ну Твою́, Богоро́дице,/ к ней бо ве́рою притека́ющи/ от неду́гов душе́вных и телéсных исцеля́ются,/ от туги́ серде́чных избавля́ются/ и благода́ти духо́вныя исполня́ются./ Темже мо́лим Тя, Пречи́стая Де́во,/ гра́ды и ве́си страны́ нáшея огради́, // лю́дие в благоче́стии и ве́ре утверди́/ и спаси́ ду́ши нáша.



НА УТРЕНИ

На Бог Господь: тропарь Богородице трижды.

По 1-м стихословии седален, глас 4:

Зрака световидныя иконы Твоея/ дѣмони ужасаются, ангели
умиляются,/ и человецы радости исполняются./ Темже молим Тя, Мати
Света Невечерняго,/ сподоби нас славу Твою Небесную зрѣти/ и со
ангельскими лики/ хвалѣбную песнь Тебѣ вѣчно вопевати.

Слава, и ныне, тойже

По 2-м стихословии седален, глас 4

Лучезарным явлѣнием иконы Твоея/ град наш освятися/ и
божественными озарѣнии сердца верных просветишася./ Темже светло
празднующе святую память Твою,/ молим Тя, Пресвятая Дѣво,/ молися из
Тебѣ возсиявшему Христу Богу,/ избавити нас от бед и вѣчнаго мучѣния,/
и сподоби Сына Твоего вечнорадостнаго лицезрѣния.

Слава, и ныне, тойже

По полиелѣи седален, глас 2

Вѣлия покровительница граду Ярославлю/ по вся дни была еси, Мати
Божия,/ много раз спасала еси зѣмлю нашу от вражиих обстояний,/ и ныне
молитвами святых ярославских князей Васілія и Константіна/ не
преставай мѣловати нас/ и даруй сердцам нашим умирѣние/ и от всех
врагов заступлѣние.

Слава, и ныне:

Свет Божественный Ярославская икона Твоя/ предивно излучает/ и
спасѣние всем с верою к Тебѣ притекающим неложно уготавлиет./ Сего
ради славословим чудное зрѣние лика Твоего\ и Сыну Твоему вопиѣм:/
спасай нас молитвами Богородицы, еди́не Человеколю́бче.



Степѣнна 1-й антифѣн 4-го гласа.

Прокімен, глас 4: Помяну́ имя Твое́// во всякомъ родѣ и родѣ.

Стих: Слы́ши, Дщи, и виждь и приклоні́ ухо Твое́.

Всякое дыханіе: Евангелие от Луки, зачало 4

по 50-м псалмѣ стихіра, глас 6.

Подобен: Все отложше:

Наста́ бо день торжества́ твоего́,/ богоспаса́емый граде Яросла́вле,/ ликуйте, священницы и вси лю́дие,/ ныне бо Ма́терь Бо́жия в любви́ Своѣй нас уверяет,/ да́рующи нам чудотво́рную Свою́ ико́ну,/ к ней бо с ве́рою припадаем и тёпле вопи́ем:/ о, Пречі́стая Де́во,/ моли́ из Тебе́ вопло́щагося Бо́га на́шего/ мир душáм на́шим дарова́ти,// от сна грехо́внаго возста́ти/ и на Стра́шнем Судѣ оправда́ние уллучи́ти.

Канѣн. Глас 8,

гоже краегранѣсие: Тобо́ю бо, Всеми́лостивая, зиждется нам спасѣние.

Песнь 1

Ирмос: Вѣду проше́д, яко́ су́шу,/ и египетскаго зла избежа́в, израи́льтянин вопия́ше.// Избави́телю и Бо́гу на́шему по́йм.

Припе́в: Пресвята́я Богоро́дице, спаси́ нас.

Творе́ц и Избави́тель всех из Тебе́, Пречі́стая, немѣкрену прѣйде, фараѡна мѣсленаго победи́ и от умнаго ра́бства грехо́внаго плинфодѣлания нас свободи́.

Огнь грехо́вныхъ страсте́й, воюющих на ны непреста́нно, росѡю Ду́ха Свята́го прохладі́тельно истреби́, Богоро́дице, родила́ бо еси́ нетлѣнно Исто́чник Божѣственныя благодáти.

Безнача́льнаго и Безлѣтнаго Бо́га во временѣх родила́ еси́, Богоблаже́нная. Того́ моли́, Чі́стая, житія́ земна́го пучи́ну безбѣдно нам



миновати и в зѣмлю Небѣснаго отѣчества немокрено вступити.

Огнь Божества не опали дѣвственную утробу Твою, Пречистая Дѣво, Огневиднаго Бѣга родила еси. Сего ради молю Тя: очисти мя огненнаго запалѣния гнѣвнаго и прохладѣ дѣхом смиренія.

Песнь 3

Ирмос: Небѣснаго круга Верхотворче Господи,/ и Цѣркве Зиждителю,/ Ты мене утверди в любви Твоей/ желаний краю, верных утверждение, // еди́не Человеколюбче.

Юнице, Юнца рождающая, Дѣво Неискусомужная, землѣ неоранная и ненасѣянная, тако воспѣваем Ти хвалу, Ты бо еси Сѣятеля Чистоты благоутробная Мати.

Благословенна Ты еси в родѣх родов, Богородице, благословение роду человеческому даровавшая, из Тебѣ бо изыде Христос Бог наш, вѣчную клятву Адамову потребивший.

О Тебѣ радуется, Благодатная, всякая тварь, Превысшая Ангел и Архангел. Темже молим Тя, Мати Божия, сподоби нас с лики ангельскими вѣчно славить Тя.

Воспойм вси земнороднии и восхвалим Пречистую Дѣву Марию, икону Свою чудотворную граду Ярославлю в наследие вѣчное даровавшую, еяже благочестно почитаем.

Седален, глас 7

Странное и велелепое иконы Твоея явлѣние миру даровася, на неяже взирающе, неверныя и заблудшия к истинней вере обращаются, яко с тоя иконы Дѣва Пресветлая с любовью на ны взирает и Богомладенца на руку Своюю покрѣтит, Имже род наш обрѣте спасѣние.

Слава, и ныне:

Егоже славы ангели Небеснии зрѣти не могут, Ты из дѣвственныя утробы Своея воплотила еси, и на девическую руку Твоюю носила еси, Пренепорочная Дѣво. Того моли Христа Бѣга грехов и беззаконий наших не помянути и на Страшном Судѣ Его одесную стати.



Песнь 4

Ирмос: Услышах, Господи,/ смотрения Твоего таинство, / разумех дела Твоя// и прославих Твое Божество.

Милости источниче неоскудеваемый и премудрости кладезю неисчерпаемый, умилосердися на ны грешныя, Богородице, и благодатию Божественнаго Сына Твоего просвети, да воспротивимся греховным поползновениям.

Истиннаго Бога Препоблагословенная Родительнице, любовь ко истине возроди в сердца моем, да не впаду в злохитрыя сети коварства и лукавства.

Любовь верную людям показала еси, даровала бо еси нам, Богородице, яко звезды небесныя, чудотворныя иконы Твоя, благодать бо тех души наша услаждает и благодарити Тя с любовью научает.

Огнем веры изсуши во мне маловерие и всякую нечистоту, Огненосная Мати, Пресвятая Богородице, Огонь неврдно в девственной утробе носила еси, прообразованная Неопалимою Купиною.

Песнь 5

Ирмос: Просвети нас повеления Твоими, Господи,/ и мышцею Твоею высокою// Твой мир подаждь нам, Человеколюбче.

Скорбныя сердца наша утеси и радостию духовною озари, Радость бо непреходящую миру даровавшая, Нечаянная наша Радосте, моли Спаса душ наших радости неветшающей нас причастницы быти.

Твоя песнословцы, Богородице, благодатию Духа Святаго ущедри, сердца их чистыми водами благочестия напои, да невозбранно имя Твое прославляют и песненными похвалами Тя ублажают.

Идолскую скверну кумиров наших душевных скоро разори и искорени, и Богу Истинному, в Троице славному, поклонятися верно научи.

Веруем и искренне исповедуем, яко Ты еси Божия Матерь и Приснодева Преславная, от Духа Свята таинственно во чреве зачэншая и



во двою естеству Гóспода нáшего Иисуса Христа нетлénно родившая.

Песнь 6

Ирмос: Молитву пролию ко Гóсподу/ и Тому возведу печáли моя, / яко зол душа моя исполнися,/ и живот мой áду приближися,/ и молюся, яко Иона:// от тли, Бóже, возведи мя.

Яко Иóну ущéдри мя, Спáсе, в животé бо моём злáя сотворшаго, обáче к молитвенному предстáтельству Богорóдицы притекáющаго и Тебé вониющаго: от тли, Бóже, возведи мя.

Адáмово воззвáние и Ёвино рáдование, победителя смёрти мiру явившая, Тогó моли, Богорóдице, в животé моём душетлénных мне избегáти, благáя же стяжевáти.

Заступница буди нам, Мáти Бóжия, вси бо есмь греху повiнны, согрешихом и беззакóнновахом и злáя в житий нáшем сотворихом, обáче с вéрою к икóне Твоёй припадаем: испроси нам прэжде концá покаяние.

Источник безсмёртия рóждшая, изсуши источницы страстéй нáших, изведи нас из тлénия, Богорóдице Дéво, и приведи нас к Сыну Твоему в чiстых рiзах нетлénия.

Кондáк, глас 3

Живонóсный лик Свой мiру явившая,/ и мiлостивно Ярослáвскую икóну нам даровáвшая,/ от неяже тóки благодáти щéдро источáеши,/ всякия недúги скóро врачúеши,/ от бед и напáстей спасáеши,/ скóрби и печáли в рáдость претворяеши,/ Мáти Дéво Преслáвная,/ не лиши Твоегó заступлénия/ всех с вéрою к Тебé притекáющих,// испроси нам у Гóспода мир и велию мiлость.

Икос

Достóйно есть слáвити Тя, Пречiстая Богорóдице и Богоневéсто Преслáвная, Ты бо в мир Сóлнце Христа ввелá еси. Посему приими от нас недостóйных, похвалы сия: рáдуйся, Сокрóвищнице, в щедрóтах неоскудевáющая; рáдуйся, Тайннице Боговоплóщения непостижимáя; рáдуйся, Животé безсмёртия неистощiмый; рáдуйся, Путеводительнице к



Истине незаблудная; радуйся, Воспитательнице наша нелестная, души наша к вечной радости уготовляющая; радуйся, Вратарнице Небесная, двери райския нам милостивно отверзающая.

Песнь 7

Ирмос: От Иудеи дошедше, отроцы/ в Вавилоне иногда верою Троицкою пламень пещный попраша, поюще:// отцев Бже, благословен еси.

Елико отстоят востocy от запад, тако и мы, грешнии, далече отстоим от благоутробнаго Господа, в пламени страстей дни своя иждивающе, обаче имамы Тя молитвеницу неотступную, научающую нас пети: отцев Бже, благословен еси.

Твоих повелений, Господи, отступisha, в вавилонский пламень страстей злодейством ненавистника древняго повергаеми, обаче молитвами Богородицы спаси нас, верно вопиющих: отцев Бже, благословен еси.

Сыну Твоему и Богу молитвы наша смиренная вознеси, Богородице, да помилует нас в День Судный и дарует нам брачныя одежды оправдания. Сего ради вопием Ему: отцев Бже, благословен еси.

Яко отроцы в пещи вавилонстей, орошаеми от ангела, пояху, тако и мы, орашаеми силою молитв Твоих, Мати Божия, славяще Тя, поем: благословенна Ты еси, Пренепорочная Владычице.

Песнь 8

Ирмос: Царя Небснаго,/ Егже поют вси ангельстии, // хвалите и превозносите во вся веки.

Ночь страстного пленения объемлет мя, грешнаго, и не имам избавления. Ты же мя свободи, Утро безстрастия рождающая, да с верою вопию: хвалите Господа и превозносите его во вся веки.

Ад мысленный в души моей истреби и умное око мое отверзи, Умное Солнце миру явившая, Имже силы адстии падоша и верей адовы



сокруши́шася.

Ма́ти А́гнца Непоро́чнаго, во чре́ве То́го пачеесте́ственно заче́ншая, зачни́ во мне бла́гя помышле́ния, да чи́стыми усты́ возопи́ю: сла́ва си́ле Твое́й, Го́споди, и милосе́рдию Твоему́, Богоро́дице.

Сотво́ршая ра́дость обре́тения че́стныя ико́ны Твоея́, Преблагослове́нная Влады́чице, услы́ши недосто́йныя моли́твы на́ша, с ве́рою Тебе́ приноси́мыя и приими́ ра́достное си́е хвале́ние.

Песнь 9

Ирмо́с: *Вои́стину Богоро́дицу/ Тя испове́дуем,/ спасе́ннии Тобо́ю, Де́во Чи́стая, // с беспло́тными ли́ки Тя велича́юще.*

Плене́ние Ада́мово разру́шившая Рожде́ством Твои́м и свободи́вшая от уз все́го челове́ка, Сла́вная Узорешительнице́, свободи́ и нас мы́сленнаго вра́жия плене́ния.

Ангели Го́рнии немол́чно сла́вят Го́спода: Свят, Свят, Свят, вопи́юще, мы же, дерзнове́ния к Нему́ не иму́щи, на моли́твы Твоя́ упова́ем и сла́вим Тя, на́шу си́льную к Бо́гу Хода́таицу.

Сокро́вище душы́ Твоея́ бысть пречу́дное смире́ние, и призре́ Госпо́дь на добро́ту душы́ Твоея́, Богома́ти Пречи́стая, си́е бо сокро́вище для нас наипа́че благопотре́бно, е́гоже нам да́руй.

Естество́ Ада́мово удобопоползнове́нное ко греху́ ймамы, плене́ннии миродержи́телем и губи́телем лука́вым, в по́хотех сла́стных во ад низверга́емся. Сего́ ра́ди вопи́ем Ти: спасáй нас из а́дских че́люстей, Всеми́лостивая.

Свети́лен

Невече́рняго Све́та Неизрече́нное Сия́ние, осия́й нас Све́том Сы́на Твоего́, Богоро́дице, да све́том Христо́вым просвеща́емии, восхва́лим Тя, Ма́терь Све́та Пренепоро́чную.

Сла́ва:

Ико́ною Твое́ю весь мир осия́ла еси́, Богоро́дице, я́ко в се́ни сме́ртней



седа́щая лю́дие от неведéния к и́стине устреми́шася, с любовью пою́ще Ти: ра́дуйся, Невéсто Неневéстная.

И ны́не:

Éвино безстúдие обнови́ла еси́, неискусому́жно Но́ваго Ада́ма Христа́ ро́ждшая, Ма́ти Дéво Благословéнная, обнови́ сердца́ на́ша благодатию Божéственнаго Сы́на Твоегó, да ўзрим Свéта Незаходима́го присное сия́ние.

На хвали́тех стихи́ры, глас 2.

Подóбен: Егда́ от дрéва:

Пречúдное Твоея́ ико́ны явлéние ублажи́ша/ и чудеса́ от не́я содея́нная просла́виша,/ Пречисти́мому образу́ Твоему́ поклоня́емся, Богорóдице,// Ты бо еси́ вёрных спасéние.

Пречестно́е и́мя Твое́ а́нгели пою́т на Небесéх,/ и нас на зéмли сподóби/ чисти́м се́рдцем сла́вити чудеса́ Твоя́,/ от ико́ны Твоея́ быва́емя,// Ты бо еси́ на́ша Наде́жда и Упова́ние.

Превели́кое на Тебе́ содея́шася та́инство Боговопло́щения,/ та́инственно бо возра́стила еси́ Клас Живота́ вéчнаго,/ та́инственно бысть и чудотворны́я ико́ны Твоея́ явлéние, Богорóдице Дéво,// сия́ бо нам есть щит и заступлéние.

Сла́ва, и ны́не, глас то́йже

Прииди́те, благословéнных собóри,/ возра́дуйтесь и возвесели́тесь,/ се бо день блаже́нный,/ к на́шему бо спасéнию Дéва Богорóдица причáстна быва́ет,/ ико́ну ны́не Яросла́вскую ми́лостивно явля́ет,/ ёю́же гра́ды и ве́си от вся́ких зол избавля́ет/ и Сы́на Своегó Божéственнаго/ ми́лостивно взира́ти на ны умоля́ет./ Сего́ ра́ди вопи́ем:// ра́дуйся, Дéво, христиа́н похвало́ и вéчное ра́дование.

Славосло́вие вели́кое и отпу́ст.

НА ЛИТУРГИИ

Слúжба Богорóдицы.

